



**BOSNA I HERCEGOVINA  
FEDERACIJA BOSNE I HERCEGOVINE  
AGENCIJA ZA BANKARSTVO FEDERACIJE BOSNE I HERCEGOVINE**

Broj: 06-3571/13  
Sarajevo, 23.10.2013.

FEDERALNO MINISTARSTVO RADA I SOCIJALNE  
POLITIKE  
Ul. Marka Marulića br. 3  
Sarajevo  
za  
EKONOMSKO SOCIJALNO VIJEĆE ZA  
TERITORIJU BOSNE I HERCEGOVINE

Poštovani,

U skladu sa dopisom Predsjednika Ekonomsko-socijalnog Vijeća za teritoriju Federacije BiH broj: 03-34/19-2671/13 od 21.10.2013.godine, dostavljamo Vam Informaciju o Postbank BH, Poštanskoj banci BiH d.d. Sarajevo u likvidaciji.

Navedena Informacija je sačinjena na istu temu i u skladu sa Zaključkom 25 sjednice Odbora za ekonomsku i finansijsku /financijsku politiku Parlamenta Federacije Bosne i Hercegovine, koja je dopisom broj:06-3460-1 od 10.10.2013.godine, dostavljena Vladi Federacije BiH.

S poštovanjem,

DIREKTOR

Zlatko Bars





**BOSNA I HERCEGOVINA  
FEDERACIJA BOSNE I HERCEGOVINE  
AGENCIJA ZA BANKARSTVO FEDERACIJE BOSNE I HERCEGOVINE**

Broj: 06-3460-1/13  
Sarajevo, 10. 10. 2013. godine

BOSNA I HERCEGOVINA  
FEDERACIJA BOSNE I HERCEGOVINE

VLADA FEDERACIJE  
BOSNE I HERCEGOVINE

Bosna i Hercegovina  
Federacija Bosne i Hercegovine  
**SLUŽBA ZA VEŠTAČENJE I NEKVALIFIKOVANE ORGANA I TIJELA**  
FEDERACIJE BOSNE I HERCEGOVINE  
SARAJEVO  
M. M. R. N.  
Datum: ..... 10. 10. 2013. god!

Predmet: Dostava Informacije

U skladu sa dopisom Odbora za ekonomsku i finansijsku /financijsku politiku Parlamenta Federacije Bosne i Hercegovine broj 01/14-02-1032/13 od 25.09.2013. godine, a u vezi sa Zaključkom sa 25. Sjednice, dostavljamo Vam Informaciju o Postbank BH, Poštanskoj banci BiH d.d. Sarajevo u likvidaciji.

S poštovanjem,

DIREKTOR  
Zlatko Barba

**BOSNA I HERCEGOVINA  
FEDERACIJA BOSNE I HERCEGOVINE  
AGENCIJA ZA BANKARSTVO FEDERACIJE BIH**

Broj: 06-3460-2/13  
Sarajevo, 10.10.2013.godine

## **I N F O R M A C I J A**

**O POSTBANK BH  
POŠTANSKA BANKA BIH D.D. SARAJEVO  
u likvidaciji**

**Sarajevo, oktobar/listopad 2013. godine**

## Uvod

Postbank BH-Poštanska banka BiH d.d. Sarajevo (u daljem tekstu Banka i/ili Postbank BH) je upisana u registar suda u Sarajevu rješenjem broj UF/I-523/97 od 18.02.1997. godine.

Poslije dokapitalizacije Banke i usklađivanja poslovanja sa Zakonom o bankama, odnosno privatizacijom od 2008.godine, Banka posluje kao privatna komercijalna banka, u većinski stranom vlasništvu, koja svoje poslovanje obavlja u skladu sa Zakonom o bankama Federacije BiH i drugim zakonima koji regulišu poslovanje finansijskih institucija, pri čemu je poslovna politika banke u nadležnosti Skupštine, Nadzornog odbora i Uprave.

Banka je spadala u grupu manjih banaka u bankarskom sistemu Federacije BiH, sa cca 50.000 hiljada KM aktive i sa slijedećom vlasničkom strukturom, koja je činila Skupštinu dioničara Banke:

<u>Naziv</u>	<u>procenat vlasništva</u>
Poteza Adriatic B.V. Amsterdam	57,2 %
Ministrastvo Finansija FBiH (državno vl.)	2,6 %
Fizička lica	38,7 % ( 1.791 fizičko lice)
Druga pravna lica	1,5 % ( 12 lica)

Ukupno: 100,0 %

Upravljačku strukturu Banke u zadnjem sazivu, prije uvođenja Privremene uprave, sačinjavali su:

### Nadzorni odbor:

1 Besim Halilović, predsjednik	predstavnik državnog kapitala-(uposlenik Elektroprivrede) bio i predsjednik Nadzornog odbora JP BH Pošta
2 Branko Drobnjak, član	predstavnik većinskog vlasnika POTEZA f.
3 Janko Gedrih, član	predstavnik većinskog vlasnika POTEZA f. (do 23.10.2008.g. član NO Janez Klobučar)
4 Saša Stanković, član	predstavnik većinskog vlasnika POTEZA f.
5 Nedžad Osmanagić, član	izabran glasovima (mali diončari JP BH Pošta)-uposlen u JP ŽTO
6 Šemso Cerić, član	izabran glasovima (mali diončari JP BH Pošta)- uposlen u JP BH Pošta
7 Husein Amidžić, član	izabran glasovima (mali diončari JP BH Pošta)- uposlen u JP BH Pošta

### Uprava Banke:

- 1 Adnan Zukić, direktor
- 2 Ragib Karić, izvršni direktor
- 3 Edina Hasečić, izvršni direktor

Banka je sa JP BH Poštom imala ugovoreni odnos kao sa strateškim partnerom putem potpisanog Ugovora o poslovnoj saradnji, a dalje implementiranje je išlo putem potpisanih Anex-a ugovora (ukupno 4). Ovim Ugovorom je prvenstveno predviđeno da Banka svoje poslovanje ostvaruje putem mreže poštanskih jedinica (pošta), koje bi zaposlenici JP BH Pošte radili u ime i za račun Banke, uz ostvarenje ugovorene naknade.

Na osnovu kontinuiranog i pojačanog nadzora Banke od strane Agencije za bankarstvo Federacije BiH (Agencija) i analize izvještajnih podataka, te informacija i dokumentacije koje je Banka dostavljala u okviru kontrolnog postupka, od 2008 godine utvrđene su slijedeće nepravilnosti:

- Duži vremenski period neto kapital Banke je ispod zakonski propisanog minimuma:  
31.12.2009. godine – 14.798 hiljada KM;  
31.03.2010. godine – 13.960 hiljada KM i

30.06.2010. godine – 13.340 hiljada KM.

Banka ne ispunjava uslov iz člana 20. stav 1. Zakona o bankama ("Sl. novine F BiH", broj 39/98, 32/00, 48/01, 27/02, 41/02, 58/02, 13/03, 19/03, 28/03 i 66/13), odnosno člana 1. Odluke o minimalnim standardima za upravljanje kapitalom banaka ("Sl. novine F BiH", broj 3/03, 18/03, 53/06, 55/07, 81/07, 6/08, 86/10, 70/11 i 48/12) jer je neto kapital Banke od 2009 godine, ispod zakonski propisanog minimuma.

- Zbog neprofitabilnog poslovanja i stvaranja gubitka u poslovanju neto kapital Banke se kontinuirano pogoršava:  
Gubitak 31.12.2008. godine - 5.529 hiljade KM,  
Gubitak 31.12.2009 godine - 3.151 hiljade KM i  
Gubitak 30.06.2010. godine - 1.423 hiljade KM.

- Kvalitet aktive se pogoršavao; rasla su dospjela a nenaplaćena potraživanja i nekvalitetna aktiva i dr.
- Banka se susreće sa mogućim likvidnosnim problemima.  
Likvidnost Banke je nezadovoljavajuća s visokim koncentracijama u depozitima (depozit Elektroprivrede cca. 15 miliona KM sa učešćem od 36% u ukupnim depozitima Banke), depozitima koji imaju trend pada u prvih sedam mjeseci 2010. godine, nepovoljnim odnosom kredita i depozita, neposjedovanjem ugovorenog pristupa likvidnim sredstvima, niskim nivoom likvidnih sredstava, povremenom ročnom neusklađenosti finansijske aktive i finansijskih obaveza (31.12.2009. i 28.02.2010. godine), održavanje izvora sredstava još uvijek po visokim troškovima i dr.

- Kriza upravljanja i rukovođenja bankom.

Vlasnici Banke nisu uspjeli uspostaviti i održavati minimalne standarde kapitala koji omogućavaju funkcionisanje Banke u skladu sa Zakonom. Organi upravljanja i rukovođenja snose odgovornost ne poduzimanja adekvatnih korektivnih mjera, preporuka i aktivnosti na otklanjanju ključnih slabosti, posebno u segmentu kapitala, profitabilnosti i likvidnosti, te događanja i razvoj situacije oko neuspješnog procesa pripajanja Banke Fima banci d.d. Sarajevo, koji su inicirali organi Banke.

Kontinuirani problemi sa malim dioničarima zbog nemogućnosti osiguranja potrebnog iznosa kapitala, njihovo neprihvatanje spajanja sa FIMA bankom, te takođe njihovo neprihvatanje na Skupštini Izvještaj o poslovanju Uprave i Nadzornog odbora za poslovnu 2009. godinu, pokušaji mješanja malih dioničara u nadležnosti Uprave ili Nadzornog odbora Banke, podnošenje zahtjeva za jednostrani raskid Ugovora o radu od strane Uprave - ukazuju na krizu upravljanja i rukovođenja Bankom.

#### *Poduzete mjere i nalozi Agencije u cilju sanacije stanja Banke*

Agencija je u okviru svojih nadležnosti kontinuirano poduzimala aktivnosti na praćenju rada Banke, te nalagala Banci niz mjera za usklađivanje poslovanja (izvršene su tri obimne kontrole poslovanja Banke, kontrola snimanja stanja informacionih sistema i kontrola usklađenosti poslovanja Banke sa standardima sprečavanja pranja novca i finansiranja terorizma). Sve kontrole su rezultirale izdavanjem Naloga Banci za usklađivanje poslovanja sa Zakonom o bankama i Odlukama Agencije.

U okviru zakonskih ovlaštenja i svoje nadležnosti Agencija je putem sastanaka, preporuka, pismenih upozorenje i pismenih naloga Banci i njenim organima, nalagala poduzimanje adekvatnih korektivnih mjera i aktivnosti na otklanjanju ključnih slabosti, posebno u segmentu kapitala, profitabilnosti i likvidnosti:

1. Nalozi Agencije Banci (član 67. Zakona o bankama) br. 03-2-1748-6/07 od 05.02.2008. godine - sveukupni nalozi po obimnoj kontroli;
2. Pismeno upozorenje Agencije Banci (član 67. Zakona o bankama) br. 03-3-34/08 od 08.01.2008. godine - usklađenost devizne pozicije;

3. Pismeno upozorenje Agencije (član 67. Zakona o bankama) br. 03-3-695/08 od 15.04.2008. godine - koncentracije kreditnog rizika (pokrivenost adekvatnim kolateralom);
4. Nalozi Agencije (član 67. Zakona o banakama) br. 03-3-884-2 /08 od 13.05.2008 godine - kapitalna usklađenost;
5. Nalozi Agencije (član 67. Zakona o banakama) br. 03-2-304-7/09 od 25.05.2009. godine - sveukupni nalozi po obimnoj kontroli;
6. Pismeno upozorenje Agencije Banci (član 67. Zakona o banakama) br. 03-2-304-12/09 od 03.07.2009. godine - sveukupni nalozi po obimnoj kontroli;
7. Nalozi Agencije (član 67. Zakona o banakama) br. 03-3-1039-2/10 od 19.03.2010. godine - likvidnost - ročna usklađenost;
8. Nalozi Agencije (član 67. Zakona o bankama) br. 03-3-1801-2/10 od 11.05.2010. godine - Kapitalna usklađenost i
9. Nalozi Agencije (član 67. Zakona o bankama) br. 03-2-2610-3/10 od 01.09.2010. godine - likvidnost: održavanje i izvještavanje

Banka je nakon obimne kontrole poslovanja u 2009 godini, od strane Agencije ocijenjena lošim kompozitnim rangom, te je iz tog razloga bila pod pojačanim nadzorom, a u cilju sprečavanja daljeg pogoršanja situacije Agencija je naložila Nadzornom odboru hitno pismeno očitovanje o poduzetim aktivnostima i daljim planovima sa hodogramom aktivnosti, nosiocima i rokovima.

Nadzorni odbor Banke je 27.05.2009.godine donio Odluku o povećanju dioničkog kapitala Banke emisijom dionica putem zatvorene prodaje u iznosu od 10 mil. KM.

Međutim, na Skupštini Banke održanoj 29.06.2009.godine, nije usvojena odluka o povećanju kapitala, uz obrazloženje da nisu obezbjeđena sredstva za dokapitalizaciju.

Na istoj sjednici Skupštine, usvojen je Srednjoročni plan poslovanja, Plan kapitala za period 2009-2011. godina i Plan poslovanja Banke za 2009. godinu, uz obrazloženje direktora Banke da su planovi rađeni na osnovu planirane IV emisije dionica u iznosu od 10 mil. KM koja nije prihvaćena od strane Skupštine na ovoj sjednici, tako da planovi automatski postaju nerealni i nemaju smisla, i direktno su u suprotnosti sa izdatim Rješenjem Agencije iz maja 2009.godine.

Nakon što je uslijedilo upozorenje Agencije, kojim je Banci, odnosno Nadzornom odboru i Direktoru Banke skrenuta pažnja/upozorenje na eventualne negativne posljedice koje bi mogle nastupiti neusvajanjem naprijed navedene Odluke, odnosno nedostatka kapitala, Nadzorni odbor Banke je 17.07.2009. godine donio Odluku o pokretanju procesa pripajanja Banke FIMA banci dd Sarajevo.

Na Odluku o pokretanju procesa pripajanja Banke FIMA banci, Sindikalna organizacija- Vijeće zaposlenika Postbank BH dopisom broj 28/09 od 29.10.2009.godine obratilo se Nadzornom odboru Banke (Predsjedniku) sa zahtjevom za odgađanje usvajanja akta o pripajanju Banke FIMA Banci i pokušaja pronalaženja povoljnijeg rješenja za Banku, uzimajući u obzir podatak da su Turske pošte iskazale interes za ulaganje sredstava u Banku.

Ministarstvo prometa i komunikacija Federacije BiH je takođe 12.10.2009.godine uputilo dopis predsjedniku Nadzornog odbora Banke broj: 01-49-153/09 kojim iznosi stav da je potrebno da se planirana sjednica Nadzornog odbora Banke privremeno odgodi, a zbog dodatnih konsultacija svih zainteresovanih strana u cilju iznalaženja najkvalitetnijih rješenja.

Krajnji rezultat je bio ne realizovanje procesa pripajanja Banke Fima banci d.d. Sarajevo.

Obzirom da Banka nije ispoštovala Naloge Agencije kao ni dinamički plan povećanja kapitala niti je izvršena uplata na poseban depozitni račun u svrhu dokapitalizacije Banke sa krajnjim rokom 31.07.2010.godine, da dioničari Banke nisu poduzeli adekvatne i pravovremene aktivnosti na jačanju kapitala Banke, da Banka nema strategiju kapitala, Agencija je izdala Rješenje sa nalogom Banci br. 03-3-1801-2/10 od 11.05.2010. godine za usklađivanje iznosa neto kapitala Banke sa zakonski propisanim minimumom i sa krajnjim rokom usklađivanja 30.09.2010.godine.

Pokušaj dokapitalizacije Banke, od strane Turskog investitora ( u junu 2010 godine), takođe nije uspio.

Skupština banke je odlukama od 30.06.2010 godine usvojila strateški plan poslovanja za period 2010-2014 godina, plan kapitala za period 2010-2012 godina i Plan poslovanja Banke za 2010 godinu, bez obzira na prethodno odustajanje turskog investitora.

Banka nije imala strategiju kapitala, niti je Agenciji dostavila i jedan dokumentovanih dokaz da će se uskladi do naloženog roka.

Dioničari Banke, nisu poduzeli adekvatne i pravovremene aktivnosti na jačanju kapitala Bake. Banka nije ispoštavala ranije izdate naloge Agencije, kao ni nalog za usklađivanje iznosa neto kapitala Banke sa zakonski propisanim minimumom i sa krajnjim rokom usklađivanja 30.09.2010.godine.

#### *Uvođenje privremene uprave u Banku.*

S obzirom da :

- od kraja 2009. godine Banka je imala neto kapital manji od zakonom propisanog minimuma od 15.000 hiljada KM.;
- da su propali svi dotadašnji pokušaji rješavanja problema kapitala (statusnom promjenom ili iz eksternih izvora), te da dioničari i organi Banke nisu ispoštovali ni naloge Agencije za usklađivanje iznosa neto kapitala sa zakonski propisanim minimumom utvrđenog odredbama člana 20. stav 1. Zakona o bankama sa krajnjim rokom do 30.09.2010. godine;
- da su svi rizici bili u porastu, posebno rizik likvidnosti ;
- da je dalje normalno poslovanje Banke, sigurnost depozita i njena održivost ugrožena.
- pored navedenog Banka je ostala bez organa upravljanja. Direktor i ostali članovi uprave banke su 04.10.2010. godine, podnijeli ostavku koju je Nadzorni odbor prihvatio 05.10.2010. godine, bez imenovanja privremenog rukovodioca odnosno vršioca dužnosti Banke, čime su se stekli uslovi za primjenu odredbi člana 53. Zakona o bankama i uvođenje privremene uprave u Banku.

Agencija za bankarstvo Federacije BiH je u skladu sa članom 53. Zakona o bankama, Rješenjem broj: 04-3450/10 od 05.10.2010. godine uvela privremenu upravu u Postbank BH i imenovala Privremenog upravnika.

#### *Rješavanje statusa Banke u privremenoj upravi*

Privremeni upravnik je strategiju za konačno rješavanje pitanja Banke, bazirao na mogućnostima dokapitalizacije. Održani su sastanci sa dioničarima u cilju spoznaje o stavovima i mogućnostima dioničara vezanih za dokapitalizaciju. Predstavnici „malih“ dioničara BH Pošte i BH Telekoma nisu izrazili spremnost da učestvuju u dokapitalizaciji. Većinski dioničar banke Poteza Adriatik Fund obavijestio je Banku da zbog finansijskih poteškoća nije u mogućnosti da dalje ulaže u Banku, naglasivši da je čitav projekat doveden u pitanje jer JP BH Pošta nije izvršila svoje obaveze iz ugovora o poslovnoj saradnji.

U skladu sa Rješenjem Agencije i članom 58. Zakona o bankama Privremeni upravnik je dana 07.01.2011. godine u Izvještaju o poslovanju Banke predložio da se zbog nezainteresiranosti vlasnika banke za dokapitalizaciju, objavi Javni poziv potencijalnim investitorima za dokapitalizaciju i rješenje statusa Banke.

Postupajući po prihvaćenom prijedlogu privremenog upravnika, Banka je 17.02.2011. godine, objavila; Prvi (I) Javni poziv za dokapitalizaciju Banke, koji je u daljnjem postupku proglašen neuspjelim, obzirom da ni jedan prijavljeni kandidat nije ispunio tražene uslove.

Odlukom Privremenog upravnika br: 15-2408/11 od 19.06.2011. godine stavljena je van snage Odluka broj: P.U. 15-2357/11 o objavljivanju drugog (II) Javnog poziva, u skladu sa dopisom Premijera Vlade

Federacij BIH broj: 01-02-548/11 od 16.05.2011. godine, kojim se traži odgoda objave novog Javnog poziva, do očitovanja Vlade F BiH.

U međuvremenu Banka je inicirala i održala niz sastanaka sa potencijalnim investitorima, između kojih i JP BH Pošta, kojoj su prezentirane informacije sa prijedlozima mogućeg rješenja statusa Banke kroz interes JP BH Pošta za ulaganje u Banku.

JP BH Pošta, kao i ostali potencijalni investitori koje je Banka kontaktirala i podsticala i koji su izražavali interes za Banku, uslovljavali su svoj interes rješenjem pitanja tužbi radnika Banke protiv Banke, po osnovu razlika plata iz Kolektivnog ugovora za granu finansija. Ovi pregovori i nakon godinu dana nisu dali rezultate.

Postupajući po pismu Vlade Federacije BiH, te odgodi objave Javnog poziva dok se o istom ne očituje, Privremeni upravnik i Agencija su dopisima od: 13.06; 12.07; 03.08 i 28.09 2011. godine, izvještavali Vladu Federacije BiH o stanju i aktivnostima Banke, kao i dopisom broj: 442/11. od 31.01.2011. i 498/12 od 16.02.2012. godine, u kojem se ističe da najveći problem za Banku predstavljaju tužbe većine uposlenika, po Kolektivnom ugovoru za granu finansija, te presuda Općinskog suda u Sarajevu u korist uposlenika protiv Banke.

Shodno tome Banka je u obavezi da obezbijedi presuđeni iznos sredstava na ime rezervi po ovom osnovu, što će imati i negativan uticaj na ukupan kapital Banke a time i na iznos mogućeg namirenja dioničara kao vjerovnika Banke.

Obzirom da su se svakim danom proteka vremena povećavale obaveze Banke po ovom osnovu, te da su postojale potencijalne obaveze Banke za nove tužbe preostalih tadašnjih i bivših radnika Banke po istom osnovu, to je povećavalo mogućnost dodatnog ugrožavanja dioničara i drugih vjerovnika Banke, a posebno štediša.

Shodno gore navednim tužbama radnika po kolektivnom ugovoru i presudama suda u njihovu korist, aktom od 10.02.2012. godine oglasio se većinski vlasnik sa 57,2 % svih dionica Banke, u kojem ističu slijedeće;

„Pored zabrinutosti zbog ne donošenja odluka sa ciljem konačnog rješenja situacije u Banci, izražavaju uvjerenje da se prema njihovim pravima kao dioničara i investitora u BiH pogrešno postupalo.

Insistiraju, da FBA u okviru svojih ovlaštenja i obaveza propisanim važećim zakonskim propisima, započne aktivnosti koje vode rješenju trenutne situacije, te ističu da je likvidacija Banke jedini mogući put naprijed i jedino učinkovito rješenje.“

Vlada Federacije BiH je 20.06.2012. godine dopisom broj 01-02-935/12 potvrdila svoj stav o zainteresiranosti za jačanjem bankarskog sektora, kao i za rješavanje banaka u posebnom statusu.

U tom dopisu Vlada Federacije BiH ističe da ne postoje smetnje da se nastavi postupak objave Javnog poziva potencijalnim investitorima za dokapitalizaciju, spajanje, pripajanje i/ili kupovinu imovine uz otkup obaveza. Na objavljenom Javnom pozivu mogu se pojaviti svi zainteresirani investitori, između ostalih i JP BH Pošte i Union banka d.d.Sarajevo, posredstvom kojih Vlada Federacije BiH može ostvariti svoje interese jačanja banaka u vlasništvu Federacije BiH.

U skladu sa očitovanjem Vlade Federacije BiH, dana 21.08.2012. godine Banka je ponovo objavila Javni poziv svim zainteresiranim investitorima za dokapitalizaciju, spajanje ili pripajanje i/ili kupovinu imovine uz otkup obaveza Postbank BH. d.d. Sarajevo u privremenoj upravi.

U cilju podsticaja i blagovremenog informisanja, Banka je o objavljenom Javnom pozivu obavijestila JP BH Pošte, kao i sve (22) potencijalne investitore koji su u toku privremene uprave iskazivali interes za Banku, ali su taj interes uslovlili rješavanjem pitanja tužbi radnika.

U propisanom roku po objavljenom Javnom pozivu, stigla je samo jedna (1) Ponuda za dokapitalizaciju Banke (Ponuda Framingham Asset management Inc, Ciriš -FAM Found).

Odlukom Komisije za provođenje Javnog poziva od 09.11.2012. godine, jedina pristigla ponuda FAM Founda za dokapitalizaciju Banke ocijenjena je i najpovoljnijom. Privremeni upravnik Banke je donio



Odluku broj:P.U.15-3852/12 od 28.11.2012. godine o prihvatanju FAM Found-a kao prvorangiranog ponuđača, te istog u skladu sa Javnim pozivom i Zakonom o bankama uputio na daljnji postupak dokazivanja i dobivanja odobrenja za sticanje značajnog vlasničkog interesa u Banci.

FAM Found je 24.01.2013. godine predao Agenciji Zahtjev sa nepotpunom dokumentacijom za izdavanje odobrenja za sticanje značajnog vlasničkog interesa u Banci. U više navrata i po zahtjevu Agencije vršena je dopuna dokumentacije, zbog nepotpunih i ne kompletnih informacija i dokumentacije.

U svom zahtjevu FAM Found nije dokazao da ispunjava propisane zakonske uslove, prvenstveno jer:

- FAM Fonud nije usklađen sa važećim Zakonom na Britanskim Djevičanskim otocima, gdje je registrovan, te nije dobio licencu za bavljenje poslovima investiranja u koje spada i dokapitalizacija Post banke/emisija i kupovina dionica banke;
- FAM Found nije registrovan niti u jednom komercijalnom registru u Švicarskoj (kako se na početku predstavljao) a ni nadležna supervizorska institucija Švicarske-FINMA, nije dala licencu Fam Fondu iz domena za koji su nadležni;
- Dostavljeni finansijski izvještaji ne mogu se smatrati revidiranim od strane ovlaštenog eksternog revizora u skladu sa propisima, obzirom da ih je uradio i potpisao interni revizor, niti su isti urađeni u skladu sa međunarodnim standardima eksterne revizije, zbog čega nije poznato porijeklo prikazanih iznosa novca kojima raspolaže FAM Found a upitan je i iznos istih.
- Pored toga što nije dokazano da imaju sredstva za dokapitalizaciju Banke, ni navodi o pribavljanju 80 miliona EUR-a inostranih depozita kroz dokapitalizaciju Banke nemaju nikakvih dokaza.

Kako u svom zahtjevu sa dopunama informacija i dokumentacije FAM Found nije dokazao da ispunjava propisane zakonske uslove, Agencija je izdala Rješenje broj: 04-3-247-12/13 od 09.05.2013. godine, o odbijanju izdavanja odobrenja FAM Foundu za sticanje značajnog vlasničkog interesa u Postbank BH dd. Sarajevo preko 66,7% učešća u ukupnom broju dionica Banke sa pravom glasa.

U svom prigovoru na Rješenje FAM Found nije dokazao da ispunjava propisane zakonske uslove ( nije dostavio traženu propisanu dokumentaciju ). Prigovor je odbijen Rješenjem Agencije broj: 04-3-247-26/13 od 05.06.2013 godine.

Privremeni upravnik Banke je Odlukom broj : P.U. 1707-1/13 od 20.06.2013.godine, proglasio neuspjelim Javni poziv za dokapitalizaciju, spajanje, pripajanje i/ili kupovinu imovine uz otkup obaveza.

Rješavanje statusa Banke putem Javnih poziva za dokapitalizaciju, spajanje, pripajanje i/ili kupovinu imovine uz otkup obaveza, nije dalo rezultata iz razloga što nakon pregleda i uvida u stanje Banke, nije bilo ponuda kvalitetnih investitora. Tužbe i sudske presude po tužbama radnika Banke po Kolektivnom ugovoru za granu finansija, te buduće potencijalne obaveze po istom osnovu, doprinijele su ne zainteresiranosti potencijalnih investitora za dokapitalizaciju i rješenje statusa Banke.

#### *Tužbi radnika Banke po Kolektivnom ugovoru za granu finansija*

U toku provođenja postupka privremene uprave i iznalaženja potencijalnog investitora za rješenje statusa Banke, prispjela je kolektivna tužba 55 radnika, koji su tužili Banku po osnovu člana 102. Zakona o radu i člana 22. i 26. Kolektivnog ugovora za granu finansija, za period prije privremene uprave od 01.10.2007. godine do 31.12.2010. godine. Među radnicima koji su tužili Banku su i dioničari Banke.

Općinski sud u Sarajevu je do 31.12.2012. godine donio tri prvostepene presude za ukupno 57 radnika u kojima se Banka obavezuje da po tužbenom zahtjevu 55+2 radnika Banke, za period od 01.10.2007. godine do 31.12.2010. godine, isplati razliku plata sa doprinosima, sa obračunatim kamatama u iznosu 4.497 hiljada KM.

Presudom Kantonalnog suda u Sarajevu Broj: 65 0 Rs 168168 12 Rsž od 30.01.2013. godine, žalba Banke se odbija i prvostepena presuda Općinskog suda u Sarajevo potvrđuje.

Pored pokušaja Privremenog upravnika na dogovoru i iznalaženju rješenja po tužbama radnika po kolektivnoj tužbi, Banka je u aprilu 2013. godine, zaprimila Rješenje o izvršenju nad imovinom Banke za 33 tužitelja - zaposlenika Banke.

Prema procjeni datoj u izvještaju Banke, u nastavku poslovanja Banke postoji dodatni rizik i potencijalne buduće obaveze Banke po navedenim tužbama radnika iz osnova Kolektivnog ugovora i to:

- novim tužbenim zahtjevima radnika za neisplaćivanje razlike plata po Kolektivnom ugovoru za granu finansija za 2011, 2012. godinu, pojavio bi se dodatni rizik, koji bi povećao iznos već knjiženih rezervi za dodatnih 3.814 hiljade KM.
- takođe postoji mogućnost i da radnici koji do sada nisu tužili Banku u narednom periodu to urade, tako da bi taj trošak dodatno opteretio Banku za još 2.938 hiljade KM, te bi ukupan rizik po ovom osnovu iznosio cca. 11.000 hiljade KM.

#### *Tužba Moje banke d. d. Sarajevo*

Banka je dana 25.04.2013. godine zaprimila i Rješenje o izvršenju Općinskog suda u Sarajevu po kojem se kao tražilac izvršenja pojavljuje Moja banka d.d. Sarajevo na iznos od 2.000 hiljade KM uz troškove spora i zakonske zatezne kamate. Banka je uložila žalbu na Rješenje, međutim Banka očekuje izvršenje na imovini u iznosu od cca. 2.575/hiljade KM (glavnice, troškova i zatezne kamate).

U nastavku poslovanja Banke, uz gore navedena Rješenja o izvršenju na imovini Banke (radnika Banke i Moje banke), došlo bi do odliva novčanih sredstava u iznosu od cca 7.mil KM, i to za izmirenje vjerovnika Banke nižeg isplatnog reda (VII) u odnosu na štednju i druge depozite Banke viših isplatnih redova (III i IV).

U želji za naplatom svojih potraživanja, očekivati je pristizanje i novih izvršnih naloga suda na imovini Banke po već konačnim presudama radnika, kao i drugih vjerovnika banke, čime se svako produženje rada Banke ugrožava prvenstveno štednja i depoziti a zatim i drugi vjerovnikci Banke, što je suprotno Zakonu o bankama i zaštiti depozita.

#### *Uvođenje likvidacionog postupka*

Na osnovu utvrđenog činjeničnog stanja o poslovanju Banke i Izvještaja Privremenog upravnika utvrđeno je da je neto kapital Banke već duže vrijeme manji od zakonom propisanog minimuma utvrđenog odredbama člana 20. stav 1. Zakona o bankama.

Obzirom da nisu uspjeli pokušaji rješavanja problema visine kapitala (statusnom promjenom ili iz eksternih izvora) odnosno da Banka nije uspjela izvršiti usklađivanje iznosa neto kapitala sa zakonski propisanim minimumom, da je Banka radila pod otežanim uslovima i smanjenim obimom poslova i nije bila u mogućnosti da ostvarenim prihodima pokrije troškove poslovanja svako dalje odlaganje rješenja statusa Banke nosilo je rizike nastajanja novih gubitaka, što je u konačnici značilo dalje urušavanje kapitala.

Došlo je do sudskih izvršenja na imovini Banke iz osnova Kolektivnog ugovora za granu finansija, kao i drugih povjerilaca protiv Banke čime se ugrožavaju prava depozitara i redosljed naplate, što je suprotno članu 63. Zakona o bankama.

Dalje poslovanje Banke nosilo je rizike nastajanja novih gubitaka, urušavanje kapitala i narušavanja reda prioriteta iz člana 63. Zakona o bankama.

Radi zakonske obaveze zaštite depozita, Privremeni upravnik je u svom Izvještaju, pored činjeničnog stanja o poslovanju Banke, predložio i likvidacioni postupak kao jednu od mogućih mjera zaštite depozita.

Shodno odredbama člana 17. stav 1. tačke 3. i 7., člana 58. stav 2. tačka 1. i člana 59. i 61. Zakona o bankama, Agencija je Rješenjem broj 06-2086/13 od 20.06.2013.godine otvorila likvidacioni postupka nad Bankom, oduzela dozvolu za rad Postbank BH i imenovala Likvidacionog upravnika Banke.

\*  
\*            \*

Obzirom da voljom vlasnika - dioničara Postbanke, koji putem svojih organa upravljanja i rukovođenja nisu ispoštovali naloge Agencije, Banka je dovedena u nezavidnu poziciju ne ispunjavanja zakonom propisanih uslova za daljnji rad (licenca).

Kako je u privremenoj upravi putem pregovora i javnih oglasa ustanovljeno da nema zainteresiranih investitora koji ispunjavaju zakonske uslove, te da daljnji rad Banke ugrožava štediše i depozite kao i druge vjerovnike, jedino i Zakonom o bankama predviđeno rješenje je likvidacija imovine za namirenje obaveza u skladu sa čl.63 Zakona o bankama.

Rješenje o oduzimanju dozvole za rad i otvaranju likvidacionog postupka u Postbank BH d.d. Sarajevo, objavljeno je u Službenim novinama Federacije BiH, i upisano u Registraciji kod Općinskog suda u Sarajevu, te je u skladu sa Zakonom o bankama konačno.

Sektor za nadzor banaka u posebnom statusu  
Agencije za bankarstvo Federacije BiH